

在文川网搜索古籍书城 获取更多电子书
Digitizer 文川网
古籍书城

中國方志叢書·華北地方·第四六二號

據
清·洪亮吉、陸繼畲等纂
清乾隆五十二年刊本

影印

河南省

登封縣志



sk61/08

成文出版社有限公司印行



10107505

中國方志叢書·華北地方·第四六二號

據

清·洪亮吉、陸繼萇等纂
乾隆五十二年刊本


影印

河南省

登封縣志

成文出版社有限公司印行

926/08



10107506

中國方志叢書·華北地方·第四六二號


據

清·洪亮吉、陸繼尊等纂
乾隆五十二年刊本

影印

河南省

登封縣志



5126/08

成文出版社有限公司印行



10107507

docsriver 文川网
入驻商家 古籍书城

在文川网搜索古籍书城 获取更多电子书

乾隆丁未仲秋

登封縣志

本衙藏板

登封縣志敘

賜進士及第巡撫河南等處提督軍門兼理河務欽加一品軍沅撰
撰一方之志難撰一方之志而有名山大川在其境者
尤難非有酈善長之博虛李忠懿之嚴整勿能善也登
封爲河南府下縣然其地實天下之中山則嵩少水則
潁洧諸川在焉且其地兼漢縣四潁陽陽城密高綸氏
是也兼魏郡二魏縣五陽城郡中川郡陽城潁陽康城
撫陽臨武五縣是也故城舊縣既而舊志皆畧
之又舊唐書經籍志載樊文深中岳潁川志五卷孟利
貞封禪錄十卷宋都能嵩高少室寇天師等傳三卷以
迄楊銜之洛陽伽藍記五卷無名氏洛陽宮殿簿三卷

皆兼及登封近世之著嵩書及說嵩者皆能采之而
志又畧焉非完書矣及門洪常博稗存深于地理之學
向在關中余曾屬助校華嶽及關中勝蹟圖等志今從
余客大梁適宰登封陸君爲稗存因以志事屬焉
余又急憇憇之凡四閱月而成爲記十爲表二簿二爲
志四爲傳六爲錄二合三十卷稗存病夫近時府州縣
志皆俚而不典信傳聞而忽書傳故其命名皆取于秦
漢以來至唐宋而止又徵引歷史及記傳皆不厭其詳
必無可徵始采舊志及采訪事實以補之可謂通于作
史之義者矣是書成于稗存及陸君而縣中賢士大夫
編校之力亦多例得附書將見他日傳是書者當與宋

敏求益元老周稱非迄今方志所可同日語也是爲序

卷之三

十一

登封縣志目錄

太常寺博士洪亮吉

登封縣知縣陸繼華

同纂

皇德記第一

輿圖記第二

土地記第三

山川記第四

大事記第五

道理記第六

風土記第七

壇廟記第八

如盤記第九

家墓記第十

職官表第十一

選舉表第十二

一戶口簿第十三

會計簿第十四

學校志第十五

衙署志第十六

名勝志第十七

物產志第十八

循吏傳第十九

先賢傳第二十

列士傳第二十一

列女傳第二十二

逸人傳第二十三

高僧傳第二十四

麗藻錄第二十五

金石錄第二十六

雜錄第二十七

亭錄第二十八

郡邑志所以正疆圉著形勢識地利稽戶口定賦役
風土彰人物紀沿革興廢之故晰政教治亂之由蓋化
民成俗之要而考鏡得失之林也是故其紀錄故寔也
必詳賅而雅馴其採取事蹟也必一秉諸大公而不謬
於是非之正然後可以昭信垂遠無媿古良史焉登封
古陽城地開闢最遠枕嵩灌潁居天地之中爲山河大
濶夫邑古而踞勝載筆者非夸大言也節譌舛挂漏信
乎闕疑慎餘之難也抑地小而瘠民貧而樸俗知向義
急公固易與爲善也而伏巖棲穴多老死不履城闕無
風化教行以馴其獷悍桀驁之氣往往見利輕生自罹

法網則其中孝弟節義之行勃發於天性者亟須徧採而表章之以言爲教俾咸知激勸庶書所謂彰善癉惡樹之風聲者乎陽湖陸君以孝廉來宰是邑甫下車卽以續修邑志爲務屬其事於常博博存穉存好古淵博於名勝古蹟考証折衷其必無仍訛踵謬挂一漏萬之失歲弄者將珍爲拱璧已顧志者爲政之書也觀其所以爲志卽知其所以爲政此數十年來土田之更遷戶口之登耗風俗之移易水利之修廢旣當據定徵信使宰是邑者披卷而識因地制宜之道且人物日增於前孝子悌弟節婦義士之去取兢兢焉協輿論秉至公不戾於是非之正由是草野細民轉相傳誦勃然興

起是則是徼風俗日益厚人材日益盛其裨益世教者
匪尠又不徒以文字典贍博汲古者之觀覽已是則陸
君之信能以文治也亦余之所厚望矣夫

賜進士出身戶部郎中知河南府事加四級武岡劉文
徽撰

docsriver 文川网
入驻商家 古籍书城

在文川网搜索古籍书城 获取更多电子书

麟垂髫隨先奉政公宦睢陽爲湯文正公故里曩宰
柘城爲竇靜菴先生故里適來登封又爲耿逸菴先生
故里一代理學名儒鈞游之鄉藐躬薄植堂與莫窺於
焉滋愧顧傳書具在所講習而垂於世者幾與歲月而
俱湮求其子弟稍稍秀異克守家學亦足以慰思古之
幽情嗚呼人往風微不絕亦如縷矣登封縣志修於吾
鄉洪稚存先生亦名流之述作也前年兵燹版燬不完
亟爲捐俸刊補抱殘守缺之私固是懷古稱先之志
云爾乙卯冬江蘇金鍾麟跋

竊以周禮闕冬官一册恨遺千秋朱子補格知之章功
垂萬世矧縣志關於全縣山川靈秀名人之遺迹物產
風俗之時色忠孝節義之芳聲先賢哲士精心苦詣採
編於前而後之士大夫豈可任其簡斷編殘缺陷於後
乎吾登縣志自前清乾隆年間纂修後久稱完璧無如
代遼年湮被鼠蠹之剝蝕遭兵燹之焚燬隨使當初原
板散失十頁有餘以致披覽是志者每撫卷而太息
幸

劉公耀東山左高密人也榮任我登政暇之餘披閱是
書見卷帙之損失遂決意而修補於是謀及縣紳
楊君逢甲王君士龍令其搜緝原書考核魯魚之似辨

別豕亥之訛又責成景君錫爵選聚樂監梓人使殘缺者
仍歸完全俾後世之人觀其所以爲志卽知其所以爲
政且使後之繼修者開卷瞭如指掌無事冥搜費心
是爲序 清邑庠生郝榮六甲

登封縣志敘錄

太常寺博士洪亮吉撰

陽城太室天地之中

帝行省方亦惟登封文曜列緯

恩洽耆童倣侯瑾漢皇德記等述

皇德第一

圖經旣亡輿地益晦爰復舊觀兼志山水倣隋志周輿
圖記述輿圖第二

埤穎舊縣綸狂昔國故城東西亭部南北負黍在韓陽
城有鐵倣晉朱育會稽土地記等述土地第三

名山峩峩大川是出神明以居龍蟠斯宅道元足徵遠

稽伯益傲齊劉澄宋初山川古今記等述山川第四
史遷遺法首紀大事三千餘年如掌可指傲漢司馬遷
等大事記述大事第五

東西南朔茲爲地中詳其道理輪穢以通傲隋西域道
記等述道理第六

高山廣谷民氣亦淳力田孝悌以長子孫傲晉周處風
土記等述風土第七

巨石立廟圓星建壇三闕兀立表茲名山中天之祀歷
代益虔傲齊壇廟記等述壇廟第八

開居法王歷歲二千乳峯陰陰少林在焉浮圖四出附
以宮觀雲母有毒金丹不完藉茲垂戒以警流傳傲晉

楊銜之洛陽伽藍記述伽藍第九

許由巢父歸藏可徵開母之石毗于禹陵倣宋李彤聖賢冢墓記述冢墓第十

令丞簿尉師儒有秩昔惟備官今乃兼職詳其等差以證今昔倣漢班固百官公卿表等述職官表第十一世需多士士貴通經茂才異等咸貢王庭倣唐選舉志宋選舉格等述選舉表第十二

漢戶三百以奉密高取今證昔有盈有耗倣宋元康六年戶口簿記述戶口第十三

征輸之簿前代所無農桑絲粟以迄市租冊籍可稽職于胥徒倣宋李常元祐會計簿述會計第十四

泮宮居前叢祠列後英英羣賢光我俎豆倣宋崇寧學校新法志等述學校第十五

才餘于官不廢嘯歌此如傳舍所閱既多倣宋無名氏衙署志述衙署第十六

臺測日景地名土中只有五寸古法伊同金蠶集仙三陽之宮鄂坂之險輪蹄僅通倣名勝志述各

勝第十七

中央之產服之宜年玉膏葦艸山經列焉倣唐經籍志地理類無名氏諸郡土俗物產記等述物產第十八
隴守潁川靖宰登封三闕表績一椽祀功後有良吏紹茲賢蹤倣漢班固漢書循吏傳述循吏第十九

詩人所美生甫及申矯矯周甫英英弟孫山川之氣代
生偉人傲魏明帝海內先賢傳述先賢第二十


國有實錄里惟惇史名區鬱鬱懔茲多士傲晉華僑
陵列士傳述列士第二十一

中壘列傳黃門哀詞彤管有煒百世之師傲漢劉向
列女傳述列女第二十二

逃形箕山洗耳潁水松風石泉其人斯在傲晉張顯
列人傳述逸人第二十三

佛惟跋陀僧有初祖猶雷色相塵此淨土傲釋惠皎
高僧傳述高僧第二十四

凡茲文章首錄詔誥暉暉天章英英麗藻傲唐人麗藻



錄述麗藻第二十五

吉金樂石今世所傳鬱鬱三闕冠于中原後有歐趙貽
茲一編倣宋趙明誠金石錄述金石第二十六

原化抱朴劉根吳筠爰采逸說以廣舊聞倣後漢雜事
晉朝雜事等述雜錄第二十七

書之有序以紀本末盤盤一編必則古昔倣漢王符潛
夫論序錄等述序錄第二十八

皇德記

大常寺博士洪亮

登封縣知縣陸繼

皇德記

恭紀庚午

巡祀申嶽

乾隆庚午

皇上御極十有五年大道咸淳至治翔洽溥海內外
主悉臣加以年歲順成謳歌遍野乃修唐虞巡狩之禮
萃華臨幸達於侯甸修禮同律秩祀方岳山左山右
及嵩高秋八月之吉

鑾輿出都

簡命親王貝勒文武寮吏虎賁郎將雲移雷動臨於河
皇上軫念道途供應或至勞民

特下制免其租稅之半九月二十七日

鑾輿由孟縣渡河河伯効靈平無揚波片時登南臺

駐蹕孟津之郭二十八日由孟津道過洛陽渡洛水

駐蹕洛之南原二十九日

駕幸龍門登西山賓陽洞下臨伊水水衡舉魚

顧而樂之遂渡伊水東陟香山寺是晚

駐蹕李邨三十日辰刻

駕過緱山將屆環轅先驅傳諭

docsriver 文川网
入驻商家 古籍书城

在文川网搜索古籍书城 获取更多电子书

駕前寬不警蹕俾接駕者咸得瞻仰勿庸俯伏邑中
庶雲集關內製彩亭香案肅侯迎

鑿關在嵩少之間登邑西界也須臾

聖駕入關擁蓋乘馬

顧見士庶子來

天顏有喜以馬策指顧從臣髦老民婦各

賜白金一定羣呼

萬歲未刻至少林寺是時登邑稍旱酉刻雷起少室
雨沛然中夜而霑

車駕所臨恩膏隨至歡呼之聲遍於巖谷是晚

駐蹕少林

御製詩三章又

特製兩詩一章以志喜十月朔天晴日朗風和景明
駕自少林早發龍旂鸞章輝映林麓已刻過會善寺
御製詩一章少憇而出渡雙溪橋登岸幸唐碑前覽
碑頌下馬入嵩陽書院觀漢柏登藏書樓瞻眺峻極
柱諸峯徘徊良久

御製詩二章出乘馬徐行萬歲峯麓稱爲佳山將午
駕至中嶽廟扈從排

鑾儀太常奏樂

駕山遙參亭至天中閣外下馬入登峻極殿殿
聖祖仁皇帝御製嵩高峻極額得名也